

**Bosna i Hercegovina
Federacija Bosne i Hercegovine
Bosansko-podrinjski kanton
Ministarstvo za urbanizam, prostorno uređenje i zaštitu okoline**



**P R A V I L N I K
O DEFINISANJU MINIMALNIH I SPECIFIČNIH KADROVSKIH I
MATERIJALNO – TEHNIČKIH UVJETA KOJE MORAJU
ISPUNJAVATI PROJEKTANTI DA BI DOBILI LICENCU**

„Službene novine BPK Goražde“ br. 310 i 13/10
Prečišćeni tekst

Goražde, januar 2010. godine

Na osnovu člana 66. Zakona o organizaciji organa uprave u Federaciji BiH („Sl. novine Federacije BiH“, br.35/05) i člana 95. stav 1. Zakona o prostornom uređenju i građenju BPK Goražde („Sl. novine BPK Goražde“, br. 15/09), Ministar za urbanizam, prostorno uređenje i zaštitu okoline, uz prethodnu saglasnost Vlade Bosansko-podrinjskog kantona Goražde, *d o n o s i*:

P R A V I L N I K

O DEFINISANJU MINIMALNIH I SPECIFIČNIH KADROVSKIH I MATERIJALNO-TEHNIČKIH UVJETA KOJE MORAJU ISPUNJAVATI PROJEKTANTI DA BI DOBILI LICENCU

Član 1.

Ovim Pravilnikom definišu se minimalni i specifični kadrovski i materijalno-tehnički uvjeti koje moraju ispunjavati projektanti za svaku granu građevinarstva i arhitekture (te njima kompatibilnih struka u oblasti projektovanja), odnosno za svaku vrstu objekata i zahvata u prostoru, da bi dobili odgovarajuću licencu za tu granu, odnosno za projektovanje te vrste objekata, kao i uvjete za oduzimanje tih licenci.

Član 2.

Projektant prema ovom Pravilniku je pravno ili fizičko lice registrovano za obavljanje poslova projektovanja građevina i zahvata za koje odobrenje za građenje izdaje Ministarstvo ili jedinice lokalne samouprave Kantona. Poslove projektovanja može obavljati samo pravno ili fizičko lice koje je registrovano za obavljanje te djelatnosti i koje posjeduje licencu Ministarstva ili Federalnog ministarstva prostornog uređenja.

Član 3.

(1) Uvjeti i mjerila za davanje licence odnose se na:

- stručnu osposobljenost i broj stručnih lica za obavljanje poslova projektovanja;
- tehničku i drugu opremljenost za poslove koje obavlja projektant u odnosu na složenost i namjenu objekata koje projektuje.

(2) Projektant ispunjava uvjete stručne osposobljenosti i broja stručnih lica za obavljanje poslova projektovanja građevina i zahvata ako zapošljava ili je angažovao po ugovoru o djelu najmanje jednog diplomiranog inženjera (VII stepen) sa tri godine radnog iskustva na poslovima projektovanja određene vrsta projekata i položenim stručnim ispitom za svaki dio projekta koji čini glavni projekat. Ukupan broj diplomiranih inženjera, uposlenih odnosno angažovanih po ugovoru o djelu, ne može biti manji od tri, od kojih najmanje jedan mora biti stalno uposlen kod projektanta.

(3) Projektant ispunjava uvjete stručne osposobljenosti za obavljanje poslova izrade projekta koji je sastavni dio glavnog projekta ako je diplomirani inženjer (VII stepen) koji ima tri godine radnog iskustva na poslovima izrade određenih dijelova projekta i položen stručni ispit.

(4) Projektant ispunjava uvjete tehničke opremljenosti za obavljanje projektovanja određenih građevina ili za projektovanje pojedinih dijelova na tim građevinama ako raspolaže odgovarajućom projektantskom i drugom opremom, te poslovnim prostorom potrebnim za obavljanje poslova projektovanja.

Član 4.

Licence iz člana (1) ovog Pravilnika izdaju se po zahtjevu pravnog ili fizičkog lica koje se bavi projektovanjem.

Član 5.

(1) Zahtjev za izdavanje licence za izradu tehničke dokumentacije sadrži:

- naziv/ime i prezime pravnog ili fizičkog lica,
- sjedište i adresu pravnog ili fizičkog lica,
- ovjeren izvod iz sudskog registra sa rješenjem o upisu u sudski registar, identifikacionim brojem i šifrom djelatnosti,
- dokaze o ispunjavanju uvjeta stručne osposobljenosti i broj stručnih lica za obavljanje poslova projektovanja,
- akt nadležnog organa o ispunjavanju uvjeta u pogledu tehničke opremljenosti i osiguranja poslovnog prostora,
- opis realizovanih referentnih projekata pravnog lica u zadnje dvije godine,
- radnu biografiju za svako stručno lice sa popisom poslova u čijoj izradi je lice učestvovalo.

(2) Dokazom o ispunjavanju stručne osposobljenosti u smislu stava (1) alineja 4. ovog člana smatraju se slijedeći dokumenti za svako stručno lice:

- ovjerena kopija diplome;
- ovjerena kopija uvjerenja o položenom stručnom ispitu;
- uvjerenje, odnosno potvrdu pravnog lica da je navedeno lice u radnom odnosu, odnosno da pravno lice sa njim ima zaključen ugovor o djelu u oblasti projektovanja.

Član 6.

(1) Zahtjev za izdavanje licence za izradu tehničke dokumentacije se podnosi Ministarstvu.

(2) Za razmatranje zahtjeva iz stava (1) ovog člana, Ministar imenuje stručnu komisiju.

(3) Stručna komisija iz prethodnog stava ocjenjuje validnost dokumentacije iz člana 3. ovog Pravilnika, te predlaže Ministru, ukoliko su ispunjeni svi propisani uvjeti za obavljanje poslova projektovanja, da donese odgovarajuće rješenje o ispunjavanju uvjeta.

(4) U slučaju zaprimanja nepotpunog, neurednog zahtjeva ili zahtjeva koji sadrži neki formalni nedostatak, komisija iz prethodnog stava će predložiti Ministarstvu da pozove podnosioca zahtjeva da u određenom roku otkloni nedostatke.

(5) Stručna komisija o svom radu vodi zapisnik.

Član 7.

Pravno lice sa sjedištem izvan Kantona mora biti registrovano za obavljanje djelatnosti projektovanja građevina ili pojedinih dijelova građevina, te posjedovati licencu za obavljanje registrovane djelatnosti izdatu od strane nadležnog organa kantona u kojem ima sjedište, ukoliko njihovi propisi to nalažu, ili ovlaštenje/licencu za obavljanje djelatnosti projektovanja građevina izdatu od strane Ministarstva za urbanizam, prostorno uređenje i zaštitu okoline Bosansko-podrinjskog kantona Goražde ili Federalnog ministarstva prostornog uređenja.

Član 8.

(1) Na prijedlog stručne komisije iz člana 4. ovog Pravilnika, Ministarstvo u roku od 30 dana, od dana podnošenja zahtjeva od strane pravnog ili fizičkog lica, donosi rješenje o ispunjavanju uvjeta iz člana 3. ovog Pravilnika, bez kojeg projektant ne može otpočeti obavljanje djelatnosti za koju je registrovan.

(2) Protiv rješenja iz stava (1) ovog člana ne može se izjaviti žalba, ali se može pokrenuti upravni spor kod nadležnog suda u roku od 30 dana od dana prijema istog.

(3) Na osnovu pravosnažnog rješenja iz stava (1) ovog člana, Ministarstvo izdaje licencu za projektovanje, na obrascu prikazanom u Prilogu 1. ovog Pravilnika i čini njegov sastavni dio.

(4) Licence iz prethodnog stava objavljuju se u „Službenim novinama Bosansko-podrinjskog kantona Goražde“.

Član 9.

(1) Licenca se daje na period od pet godina, a pravno ili fizičko lice koje dobija licencu dužno je Ministarstvo obavijestiti o svim promjenama u pravnom ili fizičkom licu, koje utiču na ispunjenost uvjeta za dobijanje licence.

(2) Na zahtjev pravnog ili fizičkog lica licenca se može produžiti. Zahtjev za produženje licence podnosi se najranije godinu dana, a najkasnije dva mjeseca prije isteka roka važenja licence. Zahtjev za produženje licence podnesen prije navedenog roka odbacit će se.

(3) Projektant je dužan u roku od 15 dana od dana nastale promjene od Ministarstva zatražiti izmjenu licence, ako su se naknadno promijenili podaci na temelju kojih je licenca izdata, na način da projektant više ne ispunjava uvjete propisane ovim Pravilnikom za obavljanje poslova projektovanja, za koje je licencu dobio.

Član 10.

(1) Licenca se oduzima kada se naknadnom provjerom, od strane Ministarstva ili nadležne inspekcije, utvrdi da pravno ili fizičko lice poslove projektovanja obavlja suprotno važećim propisima, da je prestalo da ispunjava uvjete pod kojima je licenca izdata, odnosno ako je izdata na osnovu neistinitih ili netačnih podataka.

(2) Rješenje o oduzimanju licence donosi Ministarstvo i pored podataka propisanih zakonom, sadrži i rok na koji se licenca oduzima.

(3) Ukoliko je licenca oduzeta zbog prestanka ispunjavanja uvjeta za izdavanje licence, može se podnijeti zahtjev za izdavanje nove licence kada se ispune određeni uvjeti.

Član 11.

O izdavanju, produženju, izmjeni i/ili dopuni i oduzimanju licence obavještava se nadležna inspekcija.

Član 12.

(1) Troškove utvrđivanja ispunjavanja uvjeta za izradu tehničke dokumentacije snosi podnosilac zahtjeva.

(2) Troškovi postupka iz stava (1) ovog člana iznose 300 KM, a uplata se izvršava na: JRT BPK Goražde broj: 132-731-04102931-54, sa vrstom prihoda: 721121 i šifrom budžetske organizacije: 2301001. Pored troškova postupka, podnosilac zahtjeva je dužan platiti i troškove administrativne takse.

(3) Licenca, njeno produženje, izmjena i/ili dopuna neće se izdati projektantu bez dostavljenog dokaza o izmirenju troškova iz stava (2) ovog člana.

Član 13.

Postupak izdavanja licence, produženja rokova važenja, izmjene i/ili dopune ili oduzimanje licence, vodi se po odredbama Zakona o upravnom postupku („Sl. novine Federacije BiH“, broj: 2/98).

Član 14.

(1) Ministarstvo vodi registar projekata kojima je data, produžena, izmjenjena i/ili dopunjena licenca.

(2) Registar iz stava (1) ovog člana sadrži:

- redni broj upisa,
- datum upisa,
- naziv i sjedište pravnog ili fizičkog lica,
- broj i datum izdavanja rješenja o ispunjavanju uvjeta za obavljanje djelatnosti projektovanja građevina ili pojedinih dijelova građevine, odnosno za produženje, izmjenu i/ili dopunu rješenja,
- broj i datum izdavanja licence,
- vrstu stručnih poslova izrade projektne dokumentacije,
- popis i stručnu spremu zaposlenih odnosno angažovanih po ugovoru o djelu
- promjene bitne za obavljanje stručnih poslova na izradi projektne dokumentacije (izmjena podataka o pravnom licu, prestanak rada pravnog lica itd.).

Član 15.

Pravno ili fizičko lice koje je bilo, prije donošenja ovog Pravilnika, registrovano za obavljanje djelatnosti projektovanja, nakon donošenja Pravilnika dužno je odmah podnijeti zahtjev za dobijanje licence, a do izdavanja licence može nastaviti obavljanje djelatnosti za koju je registrovano.

Član 16.

Ovaj Pravilnik stupa na snagu danom donošenja, a naknadno će biti objavljen u „Službenim novinama Bosansko-podrinjskog kantona Goražde“.

Broj: 09-23-80/10
Goražde, 19.02. 2010. godine

MINISTAR

Vladimir Nedimović, dipl. pravnik

Na ovaj Pravilnik saglasnost je dala Vlada Bosansko-podrinjskog kantona Goražde svojom Odlukom broj: 03-05-226 /10 od 11.02. 2010. godine.

PRILOG 1.

BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
MINISTARSTVO ZA URBANIZAM, PROSTORNO UREĐENJE
I ZAŠTITU OKOLINE



Na osnovu člana 8. stav 3. Pravilnika o definisanju minimalnih i specifičnih kadrovskih i materijalno-tehničkih uvjeta koje moraju ispunjavati projektanti da bi dobili licencu ("Službene novine Bosansko-podrinjskog kantona Goražde", br. 3/10), Ministarstvo za urbanizam, prostorno uređenje i zaštitu okoline Bosansko-podrinjskog kantona Goražde **i z d a j e:**

L I C E N C U
za obavljanje djelatnosti projektovanja

(naziv pravnog ili fizičkog lica, adresa, sjedište) ispunjava uvjete za obavljanje djelatnosti projektovanja (vrsta projektovanja) na području Bosansko-podrinjskog kantona Goražde.

Broj:
Goražde,

Licenca se izdaje za period:

MINISTAR
